

主編 楊世鈺 趙寅松

本篇主編 和生弟 王水喬

大理叢書·史籍篇

卷三

大理白族自治州白族文化研究所編

雲南民族出版社



主編 楊世鈺 趙寅松
本篇主編 和生弟 王水喬

大理叢書·史籍篇

卷三

大理白族自治州白族文化研究所 編

雲南民族出版社

图书在版编目 (CIP) 数据

大理丛书·史籍篇/和生弟, 王水乔主编.
—昆明: 云南民族出版社, 2011. 12
ISBN 978-7-5367-5221-4

I. ①大… II. ①和… ②王… III. ①大理白
族自治州—概况②大理白族自治州—地方史—史籍
IV. ①K927.42②K297.42

中国版本图书馆 CIP 数据核字 (2011) 第 263045 号

DALI CONGSHU · SHIJI PIAN

大理丛书·史籍篇

和生弟 王水乔/主编

策划编辑 高力青 岳 坚 杨红英 杨浩林

责任编辑 奚寿鼎 段 波

封面设计 何志明

出版发行 云南民族出版社

(昆明市环城西路 170 号云南民族大厦 邮编: 650032)

邮 箱 ynbook@vip.163.com

印 刷 云南省地矿测绘院印刷厂

开 本 889mm × 1194mm 1/16

总 印 张 526.5

总 字 数 8600 千

版 次 2012 年 10 月第 1 版

印 次 2012 年 10 月第 1 次

ISBN 978-7-5367-5221-4/K · 1386 定价: 11180.00 元 (共 13 卷)

Directory

Volume Three

The Documents of History

The Ancient Historical Document

- The Unofficial history of Nan Zhao Kingdom, Three Volumes, Edited by Yang Shen
of Ming Dynasty, Corrected by Hu Wei of Qing Dynasty, with Yuan Jiagu's
Colophon of Qing Dynasty (3)
- The Unofficial History of Nan Zhao Kingdom, Two Volumes, Edited by Yang Shen of
Ming Dynasty, Corrected by Hu Wei of Qing Dynasty, the Block-printed Edition of
Hu Wei's Manuscripts Kept by Luo Zhengchang in Shang Yu City (143)
- The Unofficial History of Nan Zhao Kingdom, Two Volumes, Edited by Yang Shen
of Ming Dynasty, Corrected by Hu Wei of Qing Dynasty (401)

目 錄

二、史部文獻

(一) 古代歷史文獻

南詔野史三卷	〔明〕楊慎編輯	〔清〕胡蔚訂正（袁嘉穀跋本）	……三
南詔野史二卷	〔明〕楊慎編輯	〔清〕胡蔚訂正（羅振常藏本）	……一四三
增訂南詔野史二卷	〔明〕楊慎編輯	〔清〕胡蔚訂正	……四〇一

南詔野史
袁嘉穀跋本三卷

〔明〕楊慎編輯
〔清〕胡蔚訂正

原序

帝王有天下有國史以紀事有野史以僉載滇
雖邊徼亦有野錄但所紀多釋老不經兼漫漶
無序六詔事竟罔聞知余戍滇久欲一考求弗
得適黔國沐公雲樓出古滇集示庠生始得披
閱焉視中丞著溪顧公南詔事畧則加詳矣無
何復得前知蜀威遠縣事滇人倪輅所集野史
一冊而六詔始末具備誠郡乘之裨也不壽諸
梓不猶秘論衡者平因薈萃成編名曰南詔野
史而是編也有四善焉辨方也訊俗也好古也
傳後也上以廣國家方與一統之盛下以脩古

今滇雲始末之詳此於虞初九百之說方朔三千之牘不廢幾其有益乎爰序而書之

嘉靖庚戌二十九年八月新都楊慎用修升菴氏撰

楊序與沐刻古
滇說之楊序
大興雷同

新序

遊萬里而不識其山川疆土古今人事物類之
數則猶弗遊矣而又不能筆於簡冊脩夫考求
仍弗遊也余嗜古而好遊兩陟滇南往來三迤
行且數數每於登眺流連之際緬懷往古輒歆
援以證今而風塵輿馬間探索有所未逮間日
披覽志乘於滇雲典故始畧識其概迨後辱修
白井東川二志則一方之紀載又具焉然常竊
疑山叢然而高水潺然而深都會非不大也區
市非不廣且與也蒼：莽：其都會區市之外
豈古來之荒遠寂寞盡若此乎及讀升菴先生

南詔野史一編所記間多志乘所闕遺而蒙段
九姓竊土僭號其始末猶詳指所在而求則山
巔水涯宜無不得其遺蹟者是荒遠者非荒遠
而寂寞者非寂寞滇雲典故於斯為脩而後嘆
嗜古之非易而好述之不多得也於是訂其偽
佚正其踳駁錄而弃諸行笈以為登眺之資述
而不作則亦守夫尼山之教云

乾隆乙未四十年季冬朔湖南武陵胡蔚美門氏

序於葉榆之旅邸

南詔野史目錄

上卷

南詔之稱

六詔考

南詔分野

南詔歷代稱名不同

南詔歷代據土總綱

南詔稱謂官制

南詔三十七蠻部

南詔歷代

鄯闡國

白崖國
昆彌國
滇國
白子國
建寧國
南詔大蒙國
大長和國
大天興國
大義寧國
大理國
大中國

胡事分
上下卷
此又多
分中卷

中卷

後理國

段氏總管

南詔歷代名宦

南詔歷代鄉賢 附元朝進士

南詔各種蠻夷 六十條

下卷

紀事

續紀事

滇南月節 詞十二闋

大理懷古 二首

滇南懷古 十二首
南詔古蹟 八十條

南詔分星分野

在天井鬼入參一度

漢書

次鶉首末位

晉書

鹿中台

上位北斗開陽一星

宋書

在地乃梁州裔土蜀之

苑圃河圖緯

南詔

按夷人稱王為詔稱朕為元稱帝為標信稱兄

曰容稱弟曰鐘稱下曰景唐始稱南詔因蒙

氏吞五詔居永昌姚州之間地在五詔之南故

曰南詔

六詔

六詔之地東西三千里南北四千六百里蒙

舍詔化蒙馬詔昌建施浪詔靖鄧賧詔川越折詔

麗浪穹詔今為縣

六詔歷代稱名不同

周名百濮 戰國名滇國 漢名西南夷 蜀

漢名建寧 晉名晉寧 唐憲宗封蒙氏為南

詔王賜金印賜省城名鄯闡 宋名六詔 元

名雲南 明亦名雲南 唐玄宗見祥雲起名

祥州乃雲南縣也今為一省之稱漢元豐初置

雲南縣則漢亦名雲南白古記唐玄宗問張儉

成住何處荅曰南邊雲下因命為雲南

南詔歷代蠻王據土時年

雍闓孟獲據於漢 蒙氏據於唐二百五十餘年鄭張趙

楊相繼據於五代段氏在宋時建都大理至皇